



Zarcuns, Camischolas, Sedrun e Bugnei igl onn 1967.

FOTO SWISSAIR PHOTO SA/BIBLIOTECA SCOLA POLITECNICA FEDERALE TURITG

In'ulteriura sera da film a Sedrun

«TujetschVivaCultura» porscha sonda, ils 29 da fenadur 2023 in'ulteriura sera da film. Quella entscheiva allas 20.00 ella Sala Cristalla ella halla da sport e cultura Dulezi a Sedrun. Sco quei ch'ils organisaturs scrivan, cumpeglia il program dalla sera in tschuppel films da pli baul davart la Val Tujetsch. Aschia vegn ei mussau ina contribuziun davart l'avertura dil Bogn Sedrun igl onn 1971, l'avertura dalla serenera giu las Rueras igl onn 1985 ed il film «Tujetsch denter Neat e turissem» digl onn 1992. In ulteriur film che vegn mussaus la sonda sera ei quel davart la megliaziun ella Val Tujetsch igl onn 1992 e la gronda anflada digl onn 1996. Sper quellas contribuziuns documentaras porscha «TujetschVivaCultura» – l'organisaziun che procura per eveniments culturals ella Val Tujetsch – in program special. Quel cumpeglia films da Tumaisch Monn-Soliva da Sedrun che ha viviu da 1923 entochen 2005. Sco ils organisaturs communichechan, vegnan entgins films dad el presentai era en rama dall'exposiziun da sias sculpturas ed entagls el Museum La Truaisch a Sedrun questa stad. (fmr/hh)